

no. 18 8

# COPPIE DE LA

RESPONCE FAITE PAR  
VN POLYTIQVE DE CESTE  
Ville de Paris, aux precedens Me-  
moires secrets, qu'un sien Amy luy  
auoit enuoyés de Bloys, en forme  
de Missiue.

H. 2857



Chez Iacques Gregoire Imprimeur.

M. D. LXXXIX.

COPY OF A

LETTER FROM THE

SECRETARY OF THE

NAVY TO THE

COMMISSIONER OF THE

NAVY, ON THE

SUBJECT OF THE

NAVY, ON THE

SUBJECT OF THE

NAVY, ON THE

NAVY, ON THE

NAVY, ON THE

NAVY, ON THE

NAVY, ON THE

NAVY, ON THE

NAVY, ON THE

NAVY, ON THE

NAVY, ON THE

NAVY, ON THE

NAVY, ON THE

NAVY, ON THE

NAVY, ON THE

NAVY, ON THE

NAVY, ON THE

NAVY, ON THE

NAVY, ON THE

NAVY, ON THE

**COPPIE DE LA RESPON-**  
*ce faicte par un Polytique de ceste ville  
 de Paris, aux precedens Memoires se-  
 crets, qu'un sien Amy luy auoit enuoyés  
 de Bloys, en forme de Missiue.*

**M**ONSIEVR, ie me propo-  
 fois qu'apres que i'aurois  
 asseuré quelques deniers &  
 vasselle d'argent que i'ay  
 en ma mai<sup>son</sup>, ie me mettrois au hazard  
 comme les autres de me desguiser en  
 quelque sorte, ou en Cordelier ou en  
 Musnier, ou autrement, pour sortir de  
 ceste ville de Paris, & m'affranchir de  
 la perpetuelle apprehension que i'ay,  
 & de la Bastille & du Louure (car l'un &  
 l'autre seruent aujourd'huy de mesme  
 terreur.) Mais puis qu'ainsi est que ie

vois par tout, nos affaires si desesperez, qu'ils semblent nous menasser d'une prochaine desconfiture & ruine, ie suis contraint de me resoudre de demeurer en ceste ville: car ie n'estime plus que le sejour d'ailleurs me puisse estre plus asseuré que cestuy-cy. Toutesfois quand ie me represente tât de captures, & d'emprisonnemēs qui se font encor iournellement en ceste ville, Je ne puis que ie ne desire la clef, & la liberté des champs. Quand ie considere le passé, ie me dis à moy mesme, *Belle escappade*. Je ne doute pas aussi que vous ne vous esmerueillies assez comment ie l'ay eschappé si belle iusques icy, puis que maintenant dedans Paris les emprisonnemens ne sont quasi plus que les passetemps & esbatemens ordinaires des Parisiens. Mais scauez vous le braue moyen dont ie me suis seruy pour me cōserver, & lequel ie pratique encor tous les iours.



C'est que si tost que nous sōmes deux ou trois ensemble, i'entame le propos de la mort de Monsieur de Guise. Je recite la liste de ses beaux faicts, le les louange iusques au Ciel, Puis, ie cōmēce le premier à bouche ouuerte de mesdire du Roy, De detester ses actions, D'exercer sa vie. Et de représenter l'acte dernier de Bloys, inhumain, cruel & barbare: Accompagnāt le tout de la plus triste & funeste contenance q̄ ie puis feindre, Et y entrelassant quelques iuremēs pour mieux cōtrefaire le passionné. Apres celà, ie suis réputé le plus hōme de bien du mōde, Bon Catholique, Biē affectiōné, Biē zelé. Et ainsi tous les soirs i'inuente à par-moy quelque nouvelle inuestiue pour l'exposer le lendemain en la meilleure compagnee que ie me trouue. Or, Ce n'est pas pourtant à dire que mon cœur aduoüe ce que mes leures proferent, non, non: tant s'en faut,

vous me cognoiffiez bié. Mais ce que i'en fais ce n'est à autre but (comme vous le pouuez croire) que pour sauuer ma vie, à tout le moins pour me sauuer d'une prison, & en consequence d'icelle, de la perte de mes biens, & possible du sac de ma maison, qu'autremét ie ne pourrois pas euitier, & en cela ie ne pense nullement lezer ny offencer l'integrité de ma consciéce, soit que vous consideriez les Loix ou naturelles ou Ciuiles. Premièrement la nature en nous esleuant, elle crée quant & quant en nous, & vne enuie, & vne liberté perpetuelle de nous conseruer en nostre indiuidu. Les Legislateurs aussi gardent pour règle indubitable, Que par quelque moyē que ce soit (sans en excepter vn seul) Il est loisible à vn chacun de sauuer & redimer son sang. Mais possible vous medires que tous ceux qui entrēt en prison, ny perdent pas ny leur sang ny leur vie.

Et partant que cecy seroit bon à dire, si en lieu des captures qu'on a faites à paris, on y eust fait quelque tuerie ou massacre, ce qu'on n'a pas fait. A quoy ie vous respondray d'un seul mot, que pour mon esgard ie ne fais pas grande difference entre la separatiō de l'ame & du corps, & la separation du corps & des biens: car celuy qui vit, sans iceux meurt toute sa vie mil fois le iour, & les autres ne meurent qu'une fois seulement en leur vie. Mais, ie ne delaisse pas au plus profond de mon cœur, de me desmentir de tout ce que j'ay dit, & de maudire le sort, & detester la fortune qui nous maltraicte si impitoyablement, & respand noz mal-heurs si largement par tout. Car si vous auez eū assez de suiet pour faire vn cayer des mauuaises nouvelles de par delà, croyez que quand il faudra faire vn iuste volume de celles de par deça, qu'on y trouuera suffisan-



te matiere. Que si ce n'estoit le deuoir qui m'oblige, puis que vous auez commencé, & le seruice que ie vous dois qui me contrainct de vous escrire le pauvre succés celles de par deça, soyez seur que ie ne m'embarquerois pas à vous en faire vn triste & mal-agreable discours: car il me semble que la souuenance des maux, & la recordation des malheurs se sont les vrayes abstractions de noz iours, & racourcissement de nostre vie.

Mais afin que ie me reuanche d'une partie de la peine que vous auez prinse, m'escriuant si amplement de toutes nouvelles: & de la bõne affliction que vous y auez apportee, i'emploiray le temps que ce porteur me voudra permettre, au récit de ce qui me semblera le plus important & necessaire pour vous seruir comme d'aduis en la resolution que vous desirez de prendre en voz affaires, & pour l'aduenir.



**I**E m'aduise en premier lieu de vous  
 aduertir pour fondement de ce dis-  
 cours, qu'il faut que vous croyez de  
 deux choses l'une, ou que le Roy est tres  
 maladuerty de ce qui se trame (ce qui  
 est peu croyable) ou qu'industrieuse-  
 ment il cele ce qu'il en sçait pour tenir  
 tousiours en halaine ceux qu'il a autour  
 de luy (comme vous le presumiez desia  
 sagement par voz dernieres.) Vous le  
 cognoistrez euidentmēt s'il vous plaist  
 de conferer ce que le Roy vous promet,  
 tant de l'impuissance de Monsieur du  
 Maine, que du peu de courage, Du peu  
 d'effect, & de l'auarice de Messieurs de  
 Paris, avec le discours veritable que ie  
 vous en feray presentement: par lequel  
 vous verrez que leurs effects sont bien  
 autres qu'il ne les a predict.

## II.

Premierement direz vous que les pa-

rifiens ont peu de courage & de resolution, puis que tout le monde depuis le plus grand, iusques au plus petit (capable de la fatigue ) se dispose à la guerre, & à remuer les mains avec vne telle allégresse, que le Bourgeois neglige sa famille, & le marchand quitte son trafic, pour faire nombre en ceste guerre, Entre autres, sept ou huit Marchans de la rue S. Denis, aucuns aagez de cinquante ans, les autres de cinquante-cinq & plus, se sont esquippez de trois & quatre bōs cheüaux, & sont partis avec les autres, la Lance au poing, pour aller au secours d'Orleans, ou en tel autre endroiçt que on les voudra employer.

### III.

D'ailleurs, ou trouuerez vous ce peu d'effect, puis que desia neuf ou dix cornettes de gens-d'armes, & vingt-cinq ou trente enseignes de gens de pied, avec quelques compagnies d'arquebu-

ziers à cheual sont sorties de Paris il y a long temps.

## IIII.

Où pourrez-vous aussi remarquer l'auarice, puis qu'en la queste & cueillette qui se fit incontinct apres Noel, Il se trouua des Bourgeois qui donnerēt volontairement cinq & six cens escuz: les vns pl<sup>s</sup>, les autres moins. Les pauvres artisans & gens de mestier, donnerent deux & trois escuz (outre la taxe à laquelle ils secottizerēt encore eux mesmes, par chascū moys.) En fin persōne ne fūt refusant de cōtribuer quelque chose, selon que ses facultez le pouuoit porter: La notable somme de deniers qu'on fait de ladiēte cueillette, tesmoigna assez l'amplitude de leurs bourses & l'abondance de leur affection. Mais comment se feroient-ils faict tirer l'oreille, ny pour la cueillette, ny pour la taxe par chacun moys: qu'au contraire



ils s'offrirent encor depuis, à contribuer de nouveau, afin que leurs affaires ne receussent aucun retardement par faute d'argent & de solde pour le soldat.

## V.

Quant à ce que le Roy assure de Monsieur du Maine qu'il se contentera de se maintenir en son gouvernement : Je crains & sçay bien que les effects de ses actions nous feront bien tost tenir vn autre langage. Mais tant s'en faut qu'il ait iamais eü la conceptiõ si basse: Que quatre heures apres qu'il eust receu la nouvelle de la mort de Monsieur de Guyse son frere (qui fut le lendemain de Noel, en sortant de S. Iean de Lyon) il monta à cheual, & protesta hautement & publiquement en la grande place de Lyon, Que tât que Dieu luy presteroit force pour estaindre l'espec qu'il tenoit nuë au poing, qu'il chercheroit par to<sup>u</sup>.



moyès la vengeance de deffūct son frere:  
 Et finissant ces mots, il cōiura to<sup>r</sup> les catholiques par le sang de son frere, respādu pour la querelle de Dieu & la leur, de luy prester main-forte & secours en vne si iuste occasion. Voila dōques desia son intention descouuerte, au cōtraire de l'assurance que le Roy vous veut donner de luy.

## VI.

Mais voyons si ceste resolution a esté suiuiue de quelques effects. La verité est que sortant de Lyon, il n'estoit que luy dixhuiet ou vingtiesme: car peu de gēs, de ses Gentilshommes mesmes, estoiet aduertis de son partement si soudain, (vray est qu'à vne lieue delà, il estoit bie autremēt accompagné:) Mais deslors il se remua si a bon esciēt & si diligēment, qu'en quinze iours apres il meit ensēble cinq cēs cheuaux, & quatre ou cinq mil harquebuziers: comme ils furent lors

contez luy fortant de Dijon.

VII.

Et depuis ce temps encor, l'on assure que ses forces se sont creuës quasi de la moitié, & qu'elles se multiplient tous les iours en marchât, tout ainsi qu'une plote de neige se grossit en la roulât. voyés donques de combien le Roy se mescôte, si ce n'est au pésar à tout le moins au parler: Mais ie crains que ce ne soit en l'un & en l'autre: car ie sçay que ceux qui l'ont engaigé au boubier, dont ils ne le pourront pastirer, s'estudient totalement à luy bâder les yeux: afin qu'il ne puisse pas plustost preuoir son malheur, que lors seulement qu'il sera tout à ses piedz, ou plustost abondamment respandu sur sa teste. Or ie vous ay bien voulu esclarcir de cecy, touchant mondit Sieur du Maine & les Parisiens, tant parce que vous en parliez douteusemēt par vos dernieres, qu'aussi pour vous

prier que d'oresnauant vous armant de la foy de Sainct Thomas, que vous ne croyez pas de leger en choses qui vous sont & à nous tous, si importantes: car la difficulté de nos affaires gist en ces deux points, lesquels on nous veut dissimuler pour bastir noz assurances sur des Chimeres.

## VIII.

Mais puis que ie suis tombé sur le propos dudit Sieur du Maine, ie vous en diray encor ce que i'en appris l'autre iour, Qu'il a esté receu tres-honorablement à Troye: & q̄ tous les Principaux de la ville luy allerent au deuant avec quelques compagnees de Lâciers & de gēs de pied tous harnachez & accōmodez de deüil. Il y seiourna deux iours avec la meilleure reception de part & d'autre dont ils se peurent aduifer.

L'on m'asseura aussi que depuis qu'il fut fortý de Troye, quelques vnes de



ses troupes auoient deffait trois compaignees de Monsieur de Tinteuille. Si cela estoit, ce no<sup>9</sup> feroit vn villain coup de baston: Mais parcé que le bruit n'en cōtinué pas, Je suis bien aise de n'en rien croire.

## IX.

Je suis aduertý ce iourd'huy, q<sup>u</sup> mōdit S<sup>r</sup> du maine est desia à mōtargis, auquel lieu Messieurs de Paris luy ont enuoyé cēt Cuirasses, Trois cens Lāces, Cinq cēs Mousquets, & quelques autres armes.

Aucuns asseurent qu'il vient droit en ceste Ville, où il est extremement desiré de tout le monde, & qu'il faict ce pendant aduancer ses forces vers Orleans: Les autres disent qu'il n'abandonnera pas seldites forces pour venir icy, qu'auparauant il n'ait recogneu l'estat auquel sont les affaires dedans & dehors Orleans. Mais quoy qu'il en face, ils se reposent assez sur sa  
pru-



prudence qu'il fera tout pour leur meilleur. Et ne vous puis dissimuler que ie crains infiniment son approche & encor plus sa venue: car il est plus Lyõ que n'estoit deffunct Mõsieur de Guyse son frere. Trouuât donques, soit icy, soit deuant Orleãs, les affaires heureusement acheminez, comme ils y sont. Ie vous laisse à pèser comme il sçaura vser de la fortune & de la prosperité qui luy rit, en vne si belle occasion.

## X.

Ces iours passez ie pensois que Dieu nous eust enuoyé du Ciel, vne consolation & vn reconfort parmy tant de desespoirs, quand i'entendis la menteuse nouuelle de la deffaiete des deux mil hommes de gens de pied que Monsieur d'Aumalle auoit fait partir de ceste ville pour aller deuant Orleans: Et combien qu'au commencement ie le creusse difficilement, tant pour la crainte que

i'auois qu'elle ne fust pas veritable, que  
 aussi pour le peu d'apparece que i'y re-  
 marquois. Toutesfois voyant arriuer  
 en ceste ville tant de soldats desconfits,  
 qui ne parloient que de leur deffaiete,  
 & de la braue sorte dont ils s'estoient  
 eschappez, le le tins en fin pour indubi-  
 table: Et sur cela r'appellant à moy la  
 ioye & l'allegresse que i'auois bāie de  
 mon cœur, l'en redis vn bon coup & de  
 bō cœur, graces à Dieu: Mais ceste ioye  
 fust bien tost rabbatue par les contre-  
 nouuelles qu'on receut deux ou trois  
 heures apres, que non seulemēt c'estoit  
 vn faux-bruiet que quelques vaillās sol-  
 dats, du creu de l'Isle de Frāce semoiēt,  
 pour couurir leur couarde & honteuse  
 fuitte, Mais au contraire que les quatre  
 cens lanciers que Monsieur d'Aumalle  
 auoit enuoyé quant & quant lesdictes  
 compaignes estoient entrez dedans  
 Orleans.

Et ie vous diray, au raport de ceux qui en parlent le plus asseuremēt, comment la chose se passa, encor que le discours en soit vn peu plaissant & mal-cōuenable au deüil q̄ nous deuons auoir empraint & graué dedans le cœur: Mais encor faut-il quelque fois monstrier bō visage à l'aduerse fortune.

Monsieur d'Aumale, nonobstāt toutes les importunitiez & instāces que luy ayent sceu faire & les Parisiēs & lēs enuoyez d'Orleans pour faire promptement sortir quelque secours de Paris, & l'enuoyer aux assiegez: vsant d'vne grādisime sagesse, ne l'a iamais voulu faire, ny entreprendre, qu'il n'ait veu le secours qu'il auoit pour y enuoyer, assez fort pour resister à vn besoin aux forces que le Roy tenoit deuant Orleans: preuoyāt l'incōmodité que ie croy, qui en fust arriuee s'il eust hazardé indiscret-



tement des soldats de Paris & des enuiron sans autre faufconduitte & asseurance.

## XII.

Ayant donques enuiron le vingtiesme ou vingt & vniesme de ce moys, par le moyen des commissions qu'il auoit dōnées deux mil harquebuziers & quatre cens Láciers, il les fit partir pour s'acheminer vers Orleans. Or s'estās desia aduancez iusques aux fauxbourgs de Nemours, Monsieur de Congy qui cōduisoit les deux mil harquebuziers, eust aduertissemēt que quelques six ou sept vingts Lances & trois cens, tant Suiffes qu'harquebuziers du Roy, venoient à eux, ou pour les charger, ou pour les recognoistre. Quelques soldats experimētez en l'Arithmetique ouyrent le vêt de cest aduertissement, lesquels tout quāt & quāt multiplierent les vingts par certaines, & les centaines par milliers, & firēt voller d'vne mesme diligēce le bruit,



Que le Roy enuoyoit six cens cheuaux,  
deux mil harquebuziers, & quatre cens  
Suiſſes pour les tailler en pieces , Le  
brui&t (encor qu'il porta ſon aſſurance  
quant & luy , pour le peu d'apparence  
qu'il y auoit au nōbre qu'ils adiouſtoiet  
donna toutesfois la larme à l'œil , & l'a-  
larme au cœur, aux ſoldats qui auoient  
les dents plus longues que la barbe, ſi  
chaude & violente, qu'ils regarderēt &  
taſcherent tout à l'heure de recognoi-  
ſtre & fleurer le chemin, par lequel ils  
eſtoient venus à ceſte buſcherie : Et ſur  
cela ayant aperceu les fuſdites ſix vingts  
Lances qui venoient, pluſtoſt pour les  
recolnoître que pour les cōbatre, ils  
ſe vont donner l'eſpouuente ſi grande  
qu'il ne fut iamais poſſible de les aſſeu-  
rer, & encor moins de les retenir: car ils  
auoiet ramaffé tout leur courage, pour  
voir à qui courroit le mieux. Ainſi quel-  
ques deux cens reprindrent les briſees

de Paris à grandes iournees, s'escartans  
& s'esparpillans, mais ie pense qu'il y a  
quelque autre mot, les vns deça, les au-  
tres de là, selon que la bôté de leurs nez  
les reconduisoit par les mesmes traces  
qu'ils estoient venus. XIII.

Or cela donna occasion & enuie aux  
six vingts Lanciers, & aux trois cēs har-  
quebuziers du Roy de venir faire vne  
charge sur ceux qui estoient demeurez.  
Ce qu'ils feirent, figurans possible en  
leurs cœurs le mesme merite qu'aux au-  
tres: Voyans aussi que les quatre cens  
Lances n'estoiet pas là pour les souste-  
nir si promptement: Mais tant s'en faut  
que ceux-cy fuiuisēt les airres de leurs  
compagnons, qu'ils se monstrent aussi  
resolus que les autres mal-asséurez &  
couards. De sorte que non seulement  
ils soustindrent les assaillās, Mais encor  
ils les repousserent si rudemēt qu'ils les  
recōduisirent à vn quart de lieue: si biē

qu'il ne leur resta aucun empeschement,  
qu'ils n'entraffent eux & leurs quatre  
cens Lances aisement dedans Orleans:

### XIIII.

Voila le discours comme il se con-  
te par ceux mesme qui font profession  
& de la verité, & de la bien sçauoir. Et  
toutesfois, ie m'en persuade bien autre  
chose, & croy sàs doute qu'il y auoit en  
ladite charge beaucoup plus grand nô-  
bre, & de Lanciers & de gens de pied du  
Roy qu'on ne dit: Mais que Monsieur  
d'Aumale par vne subtile ruze, & artifi-  
ce de guerre, auoit commandé à Mon-  
sieur de Congy qu'il presenta à l'enne-  
my occasion aduantageuse en apparen-  
ce, d'attaquer son infanterie: afin que,  
ce pendât que l'ennemy se seruiroit de  
cette occasion & qu'ils s'entrechoque-  
roient, sa cauallerie (de laquelle specia-  
lement Messieurs d'Orleans auoient af-  
faire) se peust couler sàs perte ny hazard  
dedans Orleans: comme de fait il arri-



ua que les quatre cens Lanciers y entre-  
rent, ayans les flâcs tournez vers le dos  
de leur infanterie, & à couuert d'elle.

## XV.

Le lendemain qu'elles furent carri-  
uees dedans Orleans, ceux de la ville  
feirent sauter par artifices de feux & de  
poudre vne Tour de la Citadelle sur  
ceux qui estoient dedans pour la def-  
fendre: (car l'on faisoit contenance de  
la vouloir auoir par dehors & par as-  
sault.) Toutesfois l'artifice ne feist pas si  
bien son effect, q̃ quelques soldats n'es-  
chappassent des ruines de ladite Tour,  
Mais ils ne peurent pas apres eschap-  
per là leur propre: car se voulâs r'allier  
& mettre en deffence contre ceux de la  
ville, qui se presentoient pour y entrer,  
ils furent tous taillez en pieces, pour la  
trop grande inegalité d'eux à leurs en-  
nemis. Cela fait les habitans entrèrent  
dedans ladite Tour fort aisemēt & sans  
plus



plus de résistace ou ils trouuerent grād  
quantité d'armes qu'ils prindrēt & por-  
terent en leur hostel de ville.

## XVI.

Le iour ensuyuant, ils feirent vne for-  
tie de cinquante cuirasses seulemēt, les-  
quelles donnerent iusques aux enuirōs,  
& quasi aux portes de Bloys, ou trou-  
uant dix ou douzé Archers du Roy, ils  
les prindrent & emmenèrent liez & ga-  
rottez dedans leur ville. Ces deux ex-  
ploits les rendirent si fiers, qu'ils man-  
derēt tout à l'heure mesme à Messieurs  
de Paris, confirmāt tousiours leurs let-  
tres précédentes qu'ils s'asseuraissent, &  
de leur resolutiō, & de leur courage, &  
que tant s'en faut qu'ils ayent iamais  
pensé de se rendre pour vne poignée  
d'hommes qui estoit deuant leur ville,  
qu'au contraire ils estoient tout dispo-  
sez & resolus de soustenir vn camp de  
trente, voire de quarante mil hommes

s'il se presentoit, au parauât qu'ils vou-  
lissent seulement entamer vn propos  
de composition, & moins encores de re-  
dition comme on leur auoit voulu im-  
poser.

### XVII.

Et cōbien que ces nouuelles me soiēt  
assez nouuelles & fascheuses. Toutes-  
fois i'en ay receu d'autres par lettres de  
Monsieur de Iardu mon beau-frere, qui  
est deuant Orleans, lesquelles me mar-  
tellent beaucoup d'auantage. Je vous  
raporteray briefuemēt quatre ou cinq  
chefs quelles contiennent.

Le I. Que ceux d'Orleans se foucient  
si peu d'eux, qui sont deuant la ville, que  
ils fōt tous les iours à leur veüe, des for-  
ties de dix, douze, & quinze cuirasses  
seulement, sans qu'ils ayent, ny le moyē,  
ny possible le courage (car ils ne reçoï-  
uent point d'argent) de les empescher.  
Le deuziesme chef, Que ceux de dedās

leur rescriuent quelquefois par gosse-  
rie des lettres, comme à leurs bōs amis,  
disans qu'ils se peuuent bien asseurer, au  
nombre qu'ils sont, que iamais ils ne re-  
ceuront aucun desplaisir de leur part:  
Car (disent-ils) leur victoire n'auroit  
point de louange ny d'honneur: Signi-  
fians par là, qu'ils les estiment indignes  
de leur colere.

Le troisieme, Que depuis q̄ le bruit  
de monsieur du Maine leur a soufflé aux  
oreilles, Ils ont perdu la sixiesme partie  
de leurs soldats: parce qu'ordinairement  
quand ils en mettent cinquante ou soi-  
xante en embuscade: quatre ou cinq heu-  
res apres, à tout le moins le lendemain,  
il n'en reste pas la moitié, quelquesfois  
pas le quart, qu'ils ne soient tous entrez  
dedans la ville: En fin le plus souuent il  
ne s'en faut que ceux ausquels on a re-  
fusé les portes, & qui n'ont pas peu en-  
trer dedans pour n'estre d'assez belle



deffaite: lesquels, ceux de la ville remer-  
 ciēt (par gossierie) disans, qu'ils n'en peu-  
 uent pas heberger d'auantage pour vn  
 coup, & qu'ils les prient de les excuser  
 iusques à vne autre fois.

Le quatriefme, Que pour acheuer la  
 moquerie qu'ils veulent former, ils fōt  
 sortir des viures de dedans leur ville, les-  
 quels ils vendent aux assiegeans, & leur  
 disent qu'ils leur ont beaucoup d'obli-  
 gation: car estans cause qu'ils exercent  
 les œeuures de charité, ils sont par con-  
 sequent les instrumens, au moyen des-  
 quels ils gaignēt le Royaume des cieux.  
 Voulās dire qu'ils reçoïuēt, Les vns de-  
 dans leur ville, craignans qu'ils ne meu-  
 rent de froid deuant leurs portes. Aux  
 autres, qu'ils fōt administrer des viures  
 de peur qu'ils n'y enragent de faim. Ce  
 qui leur seroit (disent-ils en se moquās)  
 vn trop grand reproche deuant Dieu.

Le cinquiesme, Que leur siege fait cō-

te de descamper aussi tost qu'il sçaura  
que monsieur du Maine sera proche: &  
qu'il n'y demeurera pas vn seul homme  
pour tenir la campagne.

Le sixiesme & dernier chef, Que lors  
le Roy se trouuera bien empesché pour  
se sauuer luy mesme: Et ce pendant que  
les prisonniers pourront bien auoir du  
bô: car le Roy aduifera plustost à sa sau-  
uegarde qu'à leur serieuse & soigneuse  
garde. Voila sommairement ce que cō-  
tiennēt les lettres dudit Sieur de Iardu,  
lesquelles (afin que ie ne vous mente) ie  
trouue soustenuës de tres-grandes ap-  
parêces, & de raisons biē vrgentes: C'est  
cela aussi qui m'a donné occasion de les  
vous rapporter icy: Afin que vous y ad-  
ioustiez tant & si peu de creance qu'il  
vous plaira.

### XV.III.

Ie ne vous sçauois dire ny exprimer:  
combiē de fois ie me suis despité & def-

pleu en moy-mesme, (comme encor ie  
fais, quand i'y pèse) du refus que le Roy  
fait aux deputez d'Orleans, qui estoient  
venus vers luy, aussi tost qu'ils sceurent  
la nouuelle de monsieur de Guyse, pour  
luy mettre leur ville sous son obeissā-  
ce: Pourueu qu'il leur voulut passer les  
deux conditions que vous scauez, L'une  
qu'ils auroient vn autre Gouverneur que  
monsieur d'Antragues, L'autre que leur  
Citadelle seroit raze, Ce que le Roy nō  
seulement ne leur voulut pas accorder:  
Mais encor il les menassa tres-aigremēt  
& seuerement, à la tres-perniciēse per-  
suasion de quelque Troubleur Dō, le-  
quel pensoit indubitablemēt & en plain  
iour pescher des Daulphins, mais ie  
croy qu'encor sur le soir il se contente-  
ra bien de simples Saulmons.

### XIX.

En fin ie trouue que ce refus seruit de  
planche assuree à nostre malheur, pour



faire son approche sur nous.

Premierement il fut cause que Monsieur le Cheualier d'Aumalle fut nō seulement admis dedans Orleans: mais tres-bien receu & accueilly de tout le peuple: Car il leur venoit comme vn recōfort assure, sur vn commencement de desespoir (auquel la responce du Roy les auoit contrains & quasi precipitez) & de fait si tost qu'il y fut entré, il leur remeit le cœur au ventre & l'assurance au cœur. Il distilla & alābiqua sur leurs estommachs refroidis, quelque peu, du trop de hardiesse, & haut courage qu'il a en luy, si bien que la guerison de leur estonnement & inassurance s'en ensuiuit prōptement. La valeur laquelle leur a depuis esté plus que iamais domestique & familiere nous en a assez, & trop pour nous, donné de tesmoignage par ses effectz.

XX.

De ce malheur s'en fōt ensuiuis d'au-

tres plus importants , en consequence toutesfois du premier : C'est qu'Orleás s'estât ainfi rebellé & ayant enuoyé par toutes les villes vne declaratiõ de sa volonté & resolution : alors elles se mirent & comporterēt toutes à son exemple , sçachant assez l'importance de la ville , & le moyen qu'elle auoit de leur nuire, ou de les endõmager en cas qu'elles ne se resoudissent à courir la mesme risque qu'elle faisoit.

## XXI.

De là est venue l'assurance de Paris (le comble de nostre malheur) laquelle estoit au commencement composee assez bijarrément , d'humeurs tiedes & froides: Dõt on tiroit vne presumption tres-grande , que sa manutention en tel estat ne dureroit pas long temps: n'eust esté la reciprocité de correspondance & d'intelligence qui interuint du depuis entre elle & Orleás. Tout cela à creu le

cœur,

cœur, appresté le courage, & renforcé la hardiesse des subiects, mutins, & ennemis du Roy.

### XXII.

Que si au cōtraire le Roy eust accordé à ceux d'Orléans ce qu'ils demandoient (seruant plustost à ses affaires, que s'accommodant à leur demande) ils se fussent maintenus sous son obeissance, & par consequēt ils eussent tenus, & retenus en bride toutes les autres villes, pour se contenir sous la mesme subiection: Et la mesme crainte qu'elles auoient d'Orléans (laquelle les auoit espoignées à se rebeller contre le Roy) les eust contrainct de se declarer pour son seruice, & m'asseure que Paris mesme, eust songé deux fois à la resolution qu'elle y eust prinse.

### XXIII.

Mais en tous cas, le Roy n'eust-il pas tousiours bien & commodement prins



la raison d'une forfaiture & requeste si impudete & desobeissante? Trop trop, Quand il se fust veu le plus fort sans contredit. Il y alloit d'une simple dissimulation, Parler de paix en la bouche, & laisser le sag en depost sur le coeur, iusques à ce q̃ quelque occasiō chosie eust apporté la saison propre de s'en descharger l'estomach, & de vomir le fiel qui y eust couué.

## XXIII.

Je croy bien sans doute que le Roy n'est pas à s'en repentir; mais (helas) cela ne nous garétit pas des malheurs qui sont trop prodigusement respandus sur noz fortunes, Que s'il eust seulement entheriné l'une des demandes de ceux d'Orleans, Je croy fermement qu'il fust orleans, & non pas en la peine, ny en la plaine cōme il est: car il ne luy reste pas en tout son Royaume vne seule ville d'affeurâce, pour luy servir d'Azil & de refuge inuiolable.

Mais pour me recueillir sur tout cè  
que ie vous ay discouru iusques icy , &  
vous en dire mon aduis, iugemēt, & ar-  
rest, aussi franchement & rondement  
que vous m'en auez donné l'exemple,  
& la leçon par vos lettres. Ie vous asseu-  
re, Si le Roy est disgratié deuant Orleās,  
Que i'estime que ce rebutement luy  
importera de toute sa fortune, voire  
luy apportera vne consequence neces-  
saire, q̃ tout ce qui en dependra, pren-  
dra la mesme defroute: suyuant le vieil  
Prouerbe , *La premiere pince vaut la*  
*pinte.* Que si vous me demandez main-  
tenant qu'elle opinion i'ay dudit Sie-  
ge, Ie vous diray à mon regret, que les  
presumptiōs que ie vous ay recité, sont  
en mon endroit si violentes, qu'en con-  
sequence d'icelles, ie tiēs ja le cāp pour  
leué, Le Roy par ce moyen desnüé de  
toutes ses forces, Son royaume tresper-

du pour luy, luy-mesme tout rsepandu à ruine, sans qu'il me reste aucune esperance de reſtabliſſement pour l'aduenir.

## XXVI.

Mais ie ſuis contēt de dōner mois de foy à ces preſumptiōs & conſequēces. Ie vous veux monſtrer (encor q̃ le doctur m'en fende) par raiſons plus viues, qu'il luy eſt impoſſible, ny de ſe remettre iamais ſus, ny ſeulement de ſe reconcilier à ſon bon-heur & proſperité paſſee. Car

Si lors, que la fortune eſtoit encon droicte pour ſe pouuoir verſer auſſi biē de ſon coſté que de l'autre,

il a eü tant de peine à faire vn meſchant corps d'armee, qu'il a fallu qu'il l'ait rapsodié & médic de mil endroits,

Maintenant que la fortune ſ'eſt du tout declaree contre luy: Quelle attente en auez vous?

## XXVII.

Si lors, que la fortune ſebloit l'auoir



mis au dessus de ses entreprinſes,

il n'a peu ny tous les Capitaines qu'il  
y employoit leuer en tous ſes païs vne  
ſeule compagnee,

Maintenant que la fortune eſt pan-  
chee & toute courbee ſur ſon malheur;  
qu'en pouuez vous eſperer?

## XXVIII.

Si lors, que la fortune ſembloit l'a-  
uoir leué ſur le Theatre de conqueſte,

il a trouué que les Commiſſiōs qu'il  
decernoit pour conqueſter des hōmes,  
ne ſeruoient que de riſce & n'auoiēt au-  
tre vertu que de faire enroller ſept ou  
huiēt beliftrès, qu'encores les commu-  
nes vouloient maſſacrer,

Maintenant que la fortune ſemble e-  
ſtre obligee à ſa ruine certaine & gene-  
rale: qu'elles forces penſez vous qu'il  
fera?

## XXIX.

Si lors, que la fortune l'auoit fait triō-  
pher de ſes ennemis les plus iurez,

il a rencontré tous ses subiects esgui-  
sez & appointez cōtre luy, disans qu'ils  
ne marcheroiēt iamais ny sous ses dra-  
peaux, ny pour luy, Pour passer sur le  
ventre à leur Religion,

Maintenāt que la fortune triomphe  
de son malheur: Quelle obeissance pen-  
sez vous qu'il en tirera.

XXX.

Si lors, que la fortune l'auoit rendu  
plus à craindre, & effroyable, que feu,  
foudre & tonnerre.

il a trouuē toutes ses villes, citadelles,  
& chasteaux bandez contre ses efforts,

Maintenant que la fortune semble  
plustost auoir irreuocablement iuré sa  
teste à tout le monde, que l'auoir sim-  
plement promise à quelqu'un: Quelle  
part trouuera-il son assurance?

*Comment fera-il pour euitier*

La terreur, la ruine, le sac, le fer & le sang qui  
Le regarde, Le cōduit, Le suit, Le talōne, Le menace  
Et qui ont desia barre sur lui ineuitable.

Mais las! nos malheurs me faissent  
le cœur, le me meurs, si ie n'adresse ce  
discours à quelque subiect plus doux.  
C'est la peur (non pas ma main) escap-  
pee au desespoir, qui a conduit ma plu-  
me iusques icy.

### XX XI.

Ie reuiens maintenant à Monsieur  
d'Aumalle & à nos Parisiens, lesquels  
n'ont pas les nerfs moins bandez pour  
apporter quelque chose & de leur in-  
dustrie & de leurs effets à la cause qu'ils  
appellent commune, que ceux dont ie  
vous viens de parler.

La compagnee de deux cens Lances  
que Monsieur d'Aumalle leue dedans  
Paris, pour faire ou des courses aux  
enuirons, ou empescher celles qu'on y  
pourroit faire, en dōne vn assez ample  
tesmoignage, Et n'estime rien moins,  
Qu'encores que la fortune nous vou-  
lut monstrier meilleur visage que nous



n'esperons, Sinon que lesdictes Lances romproiēt le col à toutes les entreprises que nous pourrions faire sur eux: Car elles seront tousiours sus-pied, & prestes pour voltiger en la campagne en cas de quelque descouuerture.

## XXXII.

La resolution que Monsieur d'Aumalle & Messieurs de Paris ont prinse, me semble encor plus importāte & preiudiciable au restablissement de nos affaires: Car ils ont arresté & cōclu de faire en vn moys, la despence qu'ils se proposoient au commencement de faire en sept ou huit: pour aduācer par le moyē de cest aduance leurs affaires dedans ledict moys, autant & plus qu'ils feroient en vn an entier, s'ils continuoient leurs pointes plus froidement.

## XXXIII.

A ceste fin, ils font vn fonds de deux à trois cens mil escus, pour non seulement

ment auoir de l'argent à mesure de la despence ordinaire de la guerre: Mais encor pour en auoir tousiours de reserve, pour subuenir aux occutrences que le temps traine tousiours apres soy.

## XXXIIII.

Ce fonds se fera, tant des Tailles & Taillons qui sont maintenant destinez à cest vsage, Que par le moyen des Emprunts, à iamais redre, qui se ietteront, tant sur ceux qu'on appelle Politiques en ceste Ville, Que sur aucuns qu'on scaura estre les plus aysez en leurs biens, encor qu'ils ne soyent pas de la qualité susdite: Mais à ceux-cy on fera rente des sommes qu'ils presteront, & leur donnera-on bonnes assurances, tant du sort principal, que du payement & continuation de la rente.

## XXXV.

A ce mesme effect seruiront tous les deniers qu'on pourra descouurir & pré-

dre aux forties des portes, Aux enuirōs,  
Et par tout ou l'en en trouuera appar-  
tenans aux polytiques (i'vse de ce mot  
après eux, parce qu'il comprend en leur  
ramage toute sorte de personnes, qui  
ne font de leur estoffe.)

## XXXVI.

Et outre cela, j'ay entendu (mais ie ne  
le puis croire) qu'on retranchera vne  
partie du reuenu de quelques prison-  
niers pour employer à faire ledit fōds:  
Parce que (disēt les parisiēs) puis qu'ils  
n'ont plus tāt de train en la Bastille, que  
ils auoient en leurs maisons, par conse-  
quent ils font moins de despēce, Et leur  
faut moins de reuenu.

## XXXVII.

Et puis par mil ouuertures qu'on  
trouue iournellement dedās Paris pour  
tirer de l'argent de ceux ausquels la  
fortune semble iniquement en auoir  
fait trop bonne part: Mais specialemēt



de ceux lesquels depuis ou au parauant  
ce remuement se sont absentez de ceste  
Ville, Comme il est arriué ces iours pas-  
sez que chez Monsieur de Chones on a  
trouué vne bourse de douze ou treize  
cens escus, vn buffet, & le seruice d'une  
table en vaisselle d'argent, le tout caché  
bien auât dedans la terre. Et semblable-  
ment au logis de Monsieur de Perreuse,  
où l'on a descouuert dedás vn mur vne  
cachette, laquelle il y auoit quelques  
mil escus, avec vne bonne quantité de  
vaisselle d'argent.

## XXXVIII.

De cecy inferez qu'aujourd'huy de-  
dans Paris, de tous bois l'on faict flet-  
ches, & que les choies qui autrefois y  
estoiét les plus secrettés, y sont aujour-  
d'huy reuelees & renduës euidentes,  
Non seulement en matiere d'argent,  
Mais en toutes choses, tant pour les de-  
portemens presens, q pour la vie passée.

l'ay bien veu pour vn temps nos artificez auoir si heureufemēt exploité, qu'après s'estre fecrettemēt coulez aux consciences de plusieurs, Ils y auoient laiffé des impressions si grandes de mesfiances qu'ils estoient fort esbranlez au mescontentement, & à quelque chose encor de plus aigre: Mais les Predicateurs se sont si robustemēt opposez aux bastimens que nous tachions d'esleuer, qu'ils ont d'vn mesme coup & ruiné l'edifice & sappé tous les fondemens.

### XXXIX.

Au surplus ie m'estonne que par delà vous n'aportez la mesme diligence à cōseruer vniment ensemble les cœurs, & les volonteze des hommes: comme ils font par deçà: le dis cecy parce q'ie sçay qu'il y a des mouchards autour du Roy, qui ne laissent pas perdre, ny vne seule de ses paroles, ny vne seule de ses actiōs, ny la moindre de ses contenances; que

Mōsieur d'Aumalle & messieurs de Paris n'en soyent bien certioez par aduertissemens aussi seurs, qu'il est possible d'en auoir.

Vous me mandiez par les vostres, ce que le Roy auoit dit à Monsieur Do, receuant la nouuelle de l'emprisonnement de messieurs de ce Parlemēt: Mais vous ne me mādiez riē de ce qu'il auoit dit à ceux qui luy apportèrent la nouuelle sçauoir, *Jusques icy les Parisiens n'estoient que des fols: mais maintenant ils sont des enragez.* Et toutesfois ie le sceuz en mesme temps que ie receuoy les vostres: Cōme aussi, tout ce que vous me remarquiez de la contenance, des estōnemens, des sospirs, & des mesfiances du Roy.

## XL.

Ie vous diray plus, que le Roy tient peu de conseils, qu'on ne sçache en ceste ville deux iours apres: & les propo-



sitions qu'on y a faites, & les résolutions  
qui en sont sortis, & les noms de ceux  
qui y ont assisté: tesmoing que le qua-  
triesme iour apres la mort de Monsieur  
de Guise, qui estoit le lendemain de  
Noël, lesceuz par nom & par surnom  
celuy que vous appelliez le Braue in-  
uêteur De-peace, pour auoir le premier  
donné l'aduis, que l'ynique & le souue-  
rain moyen d'establiir en France vne  
perpetuelle paix, & cōsequement d'en  
bannir perpetuellement la guerre, C'e-  
stoit d'introduire l'inquisition d'An-  
glerre en France: & nonobstant, la  
proposition n'auoit esté faite que le  
soir du Samedy deuant Noël.

Messieurs de Paris le sceurēt sembla-  
blemēt, & le receurēt de tres-mauuaise  
part, De celuy specialemēt qui en auoit  
fait l'ouuerture, disans, que c'estoit mal  
recongnoistre l'obligation qu'il auoit  
à leur ville, le bon traitement qu'il y a-

uoit receu, & l'embonooint qu'il y auoit pris: mais qu'il ne falloit pas beaucoup s'en estonner: puis qu'il ny eust iamais si mauuaise cause, qui ne trouua son Aduocat Du Roy: Ils sceurent qu'il ne trouua pas ceste faison propre ny disposee pour donner lieu a telle introduction: & qu'ainsi la proposition en demeura infructueuse & sans effect.

**XLII.** Quant au deuil qu'on porte en ceste ville de la mort de Monsieur de Guyse, & de Monsieur le Cardinal son frere, il est si grand & si extreme (comme il est aisé à recognoistre par les demonstrations) qu'il ne se peut suffisamment exprimer. Il le vous telmoigneray en trois choses que i'y ay remarquees (obmettant les Larmes des plus constans, Les passions des plus retenus. Bref les regrets indicibles de tout le monde.)

La premiere: C'est q̄ depuis sa mort on n'a pas cessé de faire cōtinuellemēt, & chacun iour des Processions dedans Paris, tant Les Prestres, Les Hommes: Les femmes, Que specialement tous les petis enfans, fils & filles (qu'on appelle les processions des Innocens) lesquels s'assemblent tous les iours en quelque Eglise deçà les Ponts, & vont en deuotion à Sainte Geneuiefue tous à piedz nudz: & encor d'entre dix ou douze, il s'en trouue tousiours quelqu'un (hōme ou femme) qui n'est couuert que d'un simple linge sur sa chemise. On y conte quelquefois d'une seule suite quatre & cinq mil personnes: Et vo<sup>o</sup> assure qu'il ne se peut rien voir de plus beau, en fait de deuotion: Car iusques à minuiet les rues en sont toutes couuertes, & semble quasi que les iours ny soiēt pas assez longs.

L'autre



L'autre qu'à Paris on veoid vne si grande reformation, au retranchement du luxe, qu'il est impossible de le croire à ceux qui ne le voyent, Et semble plustost que la bombance en soit maintenant du tout bānie, que dechassée pour vn temps, Iusques là mesme, que quand vne Damoiselle porte non seulement vne freze à la confusion, mais vn simple rabat vn peu trop long, ou des māches trop decoupees ou quelque autre superfluité, Les autres Damoiselles se iettent sur elle, & luy arrachent, où son collet, où luy deschirent sa robbe.

En fin vous ne voyez plus dedans paris que du drap en lieu de la soye, & de la soye en lieu de l'or, lesquelles choses à la verité y estoient trop prophanees, de ceux mesme à qui il conuenoit le moins: Ce que le Roy n'a iamais peu faire obseruer, ny par l'interposition

de s<sup>o</sup> autorité de Royale, ny par la force de ses Edicts penaux.

## LXIII.

La dernière est: Que iamaïs on ne feit pour aucun Roy de France mort, plus de deux seruices dedans Paris, l'un à S. Germain de Lauxerrois leur paroisse, & l'autre (qu'on appelle le seruice solennel) à nostre Dame: Et pour deffunct Monsieur de Guise & monsieur le Cardinal son frere, l'on en dit vn en chacune paroisse de Paris, tousiours accôpagné de l'oraison funebre, l'Eglise estât toute tenduë de deuil, toute tapissée d'armoiries, toute ceinte de chandelles, toute claire de la Chapelle ardente: & toute remplie d'un monde infiny, lequel on voit aisement estre infiniment triste.

## XXV.

L'on a desia commencé à faire lesdits seruices à S. Iean, qui estoit la paroisse de mondit Sieur de Guyse, depuis l'on

a continué à S. Geruais & à S. Paul, Et hier ce fut à nostre Dame, ou fut célébré le seruice solénel avec l'oraison funebre, & beaucoup de belles ceremonies (que i'obmets pour briefueté) dōt messieurs de nostre Dame ont remporté grāde loüange pour y auoir fait vne honorable despence, & s'estre acquité de tout fort dignement.

## LXXVI.

Madame de Guyse, comme vous pouuez sçauoir, accoucha dernièrement de son fils post-hume, lequel on m'a assuré estre venu au monde, ayant les mains iointes, mesme que toutes les fois qu'on le desmaillotte, il se trouue tousiours en ceste sorte. Et celà, ie le tiēs de bonne part, autrement, cōme vous le pouuez croire, ie ne le voudroy pas aduancer de mon creu: L'on tient qu'il aura pour parains, les villes de Paris, d'Orleans, & d'Amiens.



Or quant à ce que vous m'avez de la nouvelle que vous avez eue des emprisonnemens de messieurs de la Court de parlemēt: cela est vray. Ce fut le xvj. de ce mōys: Les parisiens s'en glorifiēt, comme d'un excellent exploit d'armes, & disent que S. Marceau leur patrō souz le nom d'un autre S. Marceau pape (duquel ce iour là c'estoit la feste) y opera diuinement, à cause de l'affinité, ou plustost de l'identité de leurs noms.

LXVIII.

Quant à du Belloy, il fut retiré du palais, & mené en la Bastille, & s'en fallut peu que le peuple ne le massacra, tant il estoit animé cōtre luy: Mais quelques Predicateurs de Paris qui le cōduisoient quant & quant les satellites appaiserēt la furie populaire, remonstans qu'il ne demanderoit pas mieux q̄ d'estre quitte de ce monde à si bon marché.

Or depuis lesdits emprisonnemens (& eſlargiſſemens de quelques vns) Le Parlement n'a pas delaiffé de cōtinuer, & meſmelement deux iours apres, il auctorifa tout ce que la Ville deſiroit de luy, tant pour la leuee des deniers ja faiete (en laquelle ils auoient tous contribué comme les autres) Qu'aussi pour les autres leuees d'hommes & de tailles, qui eſtoient encor à faire.

Le meſme Parlement, depuis quatre iours en ça a reuoqué la Cōmiſſion que le Roy auoit decernee & adreſſee au grand Conſeil, pour faire le proces à deſſundt Monsieur de Guyſe, avec deſſence d'en cognoiſtre, ny de paſſer oultre, ſur peine d'attentat: & d'autāt que Bloys ſebloit inacceſſible pour faire les ſignifications requiſes dudit Arreſt, La Cour ordonna que les exploits & aſſignatiōs, qui ſeroiēt faites aux plus pro-

chaines Villes de Bloys, seroient aussi bonnes & vallables, que si elles estoient faites dedans Bloys mesme, au domicils & personnes de ceux à qui il pourroit toucher & appartenir.

Depuis le mesme temps aussi, il a respondu la requeste presentee par Madame de Guyse, pour informer contre les assassinnateurs de deffunt Monsieur de Guyse, auxquels i'estime qu'on fera le proces & n'en attens rien moins, sinon que l'un de ses iours l'on verra leurs effigies en la place de Greue. Si donques l'on ne les peut apprehender au colet.

L.

Je troy que vous scauez bien qu'on a substitué vn Procureur general & deux Aduocats du Roy, au lieu des absens: Comme aussi qu'au parauant la conclusion des Estatz, Messieurs de Paris auoient reuoqué les pouuoirs de leurs deputez & protesté de nullité de tout



ce qu'ils feroient, ou desia seroit fait,  
depuis la mort de deffunct Monsieur de  
Guyse.

# LI.

Quant à Monsieur l'Euesque de pa-  
ris, on luy a enjoinct de retourner en  
ceste ville & d'y venir faire la residance  
actuelle qu'il y doit d'office: Autremēt  
qu'il sera pourueu à l'Euesché d'un au-  
tre pasteur.

L'on m'a dit que Messieurs de paris  
auoient des memoires de tout ce qu'il a  
dit, fait, & negocié depuis qu'il est sor-  
ty de ceste ville, Mais on ne ma peu di-  
re ce qu'ils contiennent.

# LII.

Quant au Heraut d'arme qui estoit  
venu en ceste ville, de la part du Roy,  
pour commander à Monsieur d'Au-  
malle d'en sortir dedans trois iours, & à  
tous estrangers d'en vuyder dedans le  
mesme temps, & à faute de ce faire qu'il

interdisoit le parlement, La chambre  
des Comptes & toutes autres Jurisdi-  
ctions, ie croy qu'il ne fut pas seulement  
ouy, à tout le moins son audience luy  
fut peu fructueuse, Que si la populace  
eust esté creüe, il eust espousé la prison:  
car elle croit en public qu'il ne falloit  
pas garder la foy à celuy qui leur auoit  
pl<sup>2</sup> que barbarement violée. Toutesfois  
pour cela, il n'eust ny receut aucun tort,  
Mais ie m'assure bien qu'il eust si belle  
peur qu'il ne luy resta aucune enuie d'y  
retourner.

Voila ce que pour le present ie vous  
puis dire de l'Estat de nos affaires, tant  
polytiques que militaires, & d'autant  
que en l'endroit ou ie suis tombé sur le  
propos de celles qui nous concernent  
le plus, Je vous en ay dit cordialement  
& cādudemēt mō aduis & mon opiniō.  
Je n'allôgeray la presente que de l'offre

tres-

tres humble que ie vous fais, & de  
 moy, & de mon seruice lequel ie vous  
 rendray toute ma vie, d'aussi bonne  
 volonté qu'humblement ie vous baise  
 les mains, & prie le Seigneur vous tenir  
 & maintenir,

*Monsieur en sa sainte garde. De Paris ce  
 trentiesme & penultiesme de Januier  
 1589.*

*Vostre seruiteur, frere, & plus assure  
 amy à vous obeyr,  
 N. L. D. I.*



Le Catholique qui a mis au net & fait  
Imprimer les precedentes Miſſiues,  
Au Lecteur Catholique.

Q. V. A T R A I N.

Usques à quant (Lecteur) seras-tu soucieux  
Du ſucces de ce temps? Vois-tu pas Dieu, Les  
Cieus,  
Et le tout qui te ri: Tes ennemis de rage  
T'en donnent malgré-eux vn ample tesmoignage.


---

*Epigramme du mesme Catholique au  
mesme Lecteur.*

Esçay fort bien Lecteur le desir que tu as  
De sçauoir de ces deux Arch'conteurs de  
nouuelle

Et le nom & l'Estat: Mais toy tu ne sçais pas  
La raison qui me tient iustement en ceruelle  
De me taire: C'est que, Pour l'vn il seroit vain:  
Car il n'est d'entre nous reconneu de personne:  
Ie te dis seulement qu'il est homme de bien  
Au Cabinet secret du plus scelerat homme  
Qui iamais ayt esté. Pour l'autre, ie ne veux  
A sa fame conneuë apporter aucun ombre,  
Ny obscurcir son nom, ny ses faiets valleuroux  
Car il est ia en lieu assez obscur & sombre

*Per diem sol non vret eum, neque Luna per noctem.*



*Epigrame du mesme Catholique.*

✠ E trouue qu'on a tort d'auoir mis en prison,  
✠ Celuy qui a predit, ce qu'en ceste saison  
Nous voyons clerement arriué par effect:  
Si ce n'est qu'il l'ait dit à son tresgrand regret.



*Vn Parisien au Catholique qui nous  
a mis au net ces nouuelles.*

❁ Dieu qu'ay-ie entendu? ne se peut-il pas faire  
Que ie puisse alleguer mes esprits auxieux,  
De cognoistre celuy qui d'un stil gracieux,  
Sçait ces nouuelles-cy tât bié mettre en lumiere?  
Qui d'une affection parfaitement entiere,  
Sçait si bien louüanger les effects glorieux  
De Nous, & de Celuy, qui l'enclos spatieux  
De nostre grâd Paris, & gouuerne & tempere:  
Qui les plus froids rechauffe, & assure plus fort  
Ceux, qui gelez de peur, n'esperét que la mort:  
Mais quel pourroit-il estre? est-ce quelque  
estrange homme,  
Allemant, Espagnol, ou bien Italien?  
Nó c'est nostre voisin, à nous de nom cõforme:  
Car hormis vn croissant, il est Parisien.



*Le mesme au mesme.*

SONNET.

**Q**uand ie diray que Mars, le guerrier des grâds  
Dieux,

Ne peut estre vaincu: mais que tousiours il dôpte  
D'un iuincible bras, soit Roy, soit Duc, soit Côte,  
Et tous ceux qu'il luy plaist, tât soient-ils furieux  
Quand aussi ie diray, que cil qui curieux

D'un parler graue & doux ces nouuelles raconte,  
Ne peut estre dôpté: Aïs tousiours qu'il surmôte  
Et triomphant qu'il est de tous victorieux,

Mon propos sera vray: Oy mais quelqu'un possible  
Me dira que ie faux: Car si Mars iuincible  
Peut vaincre tout, il peut aussi vaincre l'Autheur.

Ie responds que l'Autheur à pareil aduantage,  
Qui entend mon propos, ne m'appelle menteur:  
Son nom, sans sa valeur, en donne tesmoignage.





*Un autre Parisien au mesme  
Catholique.*

S O N N E T.

**M** On Dieu qui gouuérnez noz cœurs & no-  
stre vie  
Recopésez d'éhaut, C'est Austrasié Gaulois  
Par la langue duquel vous auez ceste fois  
Fait ceste fuite entendre, Auant que fut vn  
L'armée du preux Duc à la ville munie  
De zelez Catholiques. Au vif son de sa voix  
Il a tost r'asseuré les esprits des François  
Qui pâchoiēt souz le ioug de la troupe ennemie.  
Au doux chant de Musée vne ville print fin.  
Par ses bonnes nouuelles exempti sont du destin  
Preparé par ses mots, Orleans & la France.  
Par ses bonnes nouuelles est chacun resiouy:  
Sans elles l'on ne sçeut le bō heur d'auioirdhuy:  
Sans ce presage saint nous estiōs sans puissance.



## Eiusdem Epigramma.

E I D E M.

**N**ON minor est Nostro veraci virtus Asylle  
Prædixisse suo sanguinis ore tabem,  
Quam qui tela manu trepidos intorserit hostes,  
Et cuius iaculis terga dedere fuga.  
Qui quondam insignis retulisset signa trophæi  
Prima, dabant subito præmia lingua manu:  
Nonne ergo dabimus celebrem isti iure coronam,  
Cuius lingua dedit quod potius est nemini?  
Hic distis pugnas moderat, velut Aeolus Euros:  
Lætissimam hand Dux: sed sancta Nonella dedit.





